

**BIRGIT HEIN: CINE CRU**

**OLLADAS DE MULLERES NO MUNDO:  
CREADORAS GALEGAS DE IMAXE /  
HOMENAXE A CHANTAL AKERMAN**

**25 ANIVERSARIO DO CGAI**

**JEAN RENOIR (I)**

**HOMENAXE A MARÍA CASARES**

**DO TRAZO AO PÍXEL**

**PLAY-Doc: CHARLES BURNETT**

**CONTEXTOS: CEMETERY OF SPLENDOUR**

**DESENCADRES**

**FÓRA DE SERIE: ESTRÉAS**

**OFF GALICIA**

**CGAI JÚNIOR**

**CINEMASCAPES**

**XUNTA DE GALICIA**

Esta nova programación do CGAI comprende varios ciclos: Birgit Hein, Do trazo ao píxel, Charles Burnett. Tanto Hein como Burnett acompañarános para manter sucesivos encontros co público. De resto, esta é unha programación marcada por varias efemérides: a propia do CGAI, de cuxa inauguración se cumplen 25 anos; os Premios de Teatro María Casares, co gallo dos cales se organiza unha sesión especial o 29 de marzo dedicada á actriz coruñesa que dá nome a estes prestixiosos galardóns. Coincidindo co aniversario do CGAI, o 15 de marzo presentaranse tres películas recuperadas recentemente con filmacións de Ángel Blanco Villar realizadas entre 1929 e 1931, procedentes todas elas dun depósito de Alberto Martí.

En marzo comeza, outrosí, un pequeno ciclo de homenaxe a Jean Renoir. O CGAI consagrólle, xunto á revista *Nosferatu*, una ampla retrospectiva ao gran cineasta francés hai case dúas décadas. Este novo ciclo comprende varias copias novas, mormente en DCP, mais tamén en 35 mm. Recuperamos, así mesmo, algúns dos seus títulos más ineludibles (*Un día de campo*, *La regla del juego*). Ás dez películas deste mes esperamos sumar outras cinco no programa de maio-xuño.

A programación complementase coas seccións habituais: Fóra de serie, CGAI jr., Off Galicia (un programa dedicado a Xacio Baño, outro coa repetición da afamada *Na outra beira das augas grandes*), ademais de Cinemascares e Desencadres, esta última cunha nova proxección de obras de Stan Brakhage. As estreas de *Informe general 2: el rapto de Europa* e *La academia de las musas* motivarán a recuperación de películas precedentes dos seus respectivos directores, Pere Portabella e José Luis Guerin; *Informe general sobre algunas cuestiones de interés para una proyección pública* (1977) e *Le saphir de Saint-Louis* (2015) e as Correspondencias entre Jonas Mekas e o propio Guerin (2011). A visita de José Luis Guerin cadra cunha charla no Museo de Arte Contemporáneo Gas Natural Fenosa o 30 de marzo. Por último, a sección Contextos centrarse este mes na última película de Apichatpong Weerasethakul, *Cemetery of Splendour*, cuxo pase virá precedido da restauración da súa primeira longametraxe (*Mysterious Object at Noon*) e dunha das películas más significativas dun cineasta co que o realizador tailandés ten moitos puntos en común: David Lynch e a súa *Carretera perdida*.

Agradecimentos: Alberto Martí, Premios María Casares/Asociación de Actores e Actrices de Galicia, MAC Gas Natural Fenosa (A Coruña), Javier Trigales, José Luis Guerin, Núria Esquerda, Xacio Baño, Canyon Cinema (San Francisco), Cristóbal Crespo, Emilio Rodríguez Blanco, Raúl Mella/ONG Igualdad Animal, Xavier P. Do Campo.

**BIRGIT HEIN: CINE CRU**

En colaboración con:



Colabora: Savinen. Traducciones y subtítulos ([www.savinen.com/](http://www.savinen.com/))

Nada en 1942 en Berlín, Hein é, sen dúbida ningunha, unha das figuras máis importantes da historia do cine experimental. O seu percurso como directora pode dividirse entre os traballos co seu marido Wilhelm Hein (1966-1988) e os filmes asinados en solitario realizados desde 1991 ata o presente. Simultaneamente, a traxectoria profesional de Hein complétase cun intenso labor como programadora, difusora e pedagoga do cine experimental e de vanguarda. Hein é unha activista do cine experimental, cuxa presenza traspasa a estrita realización de filmes para formar parte da intensa cultura cinematográfica existente derredor do experimental desde os anos sesenta. O obxectivo desta retrospectiva é reivindicarnos o papel de axitadora de Birgit Hein na cultura cinematográfica contemporánea e mais trazarmos unha panorámica do seu traballo, primeiro co seu exmarido, Wilhelm Hein, e soa a partir dos anos 90 do pasado século. Un percorrido cinematográfico que arrinca no cine estrutural e materialista dos seus comezos para ir derivando cara a unha vertente moi más persoal e política, que non refuga a reflexión sobre o soporte, mais que abraza o

cine ensaio, o diario, ou a etnografía experimental para practicar un cine que explora os límites do propio cine coa finalidade de abordar cuestiós íntimas ou sociais, públicas ou privadas. (Gonzalo de Pedro e Miguel Fernández Labayen)

Agradecimentos: Birgit Hein, Arsenal-Berlin, Lux (Londres).

**OLLADAS DE MULLERES NO MUNDO:  
CREADORAS GALEGAS DE IMAXE /  
HOMENAXE A CHANTAL AKERMAN**

En colaboración con:



CONSELLO DA  
CULTURA GALEGA

Como xa vén sendo tradicional no mes de marzo, en colaboración co Consello da Cultura Galega organízase o ciclo *Olladas de mulleres no mundo*, que este ano, ademais das sesións dedicadas a *Creadoras Galegas de Imaxe*, con películas de Diana Toucedo, Illa Bufarda e Xisela Franco, inclúe unha pequena homenaxe á realizadora belga Chantal Akerman (1950-2015) con dúas películas que xiran arredor da súa relación coa nai, *News from Home* (1977), que proxectaremos en versión restaurada, e *No Home Movie* (2015), a súa última longametraxe, presentada pouco antes do seu falecemento en outubro do ano pasado. O ciclo inclúe tamén a polémica *Paulina*, de Santiago Mitre.

Agradecimentos: Diana Toucedo, Amarante Compostela, Xisela Franco, Doc and Film (París), Cinematheque Royale de Belgique (Bruxelas).

**PLAY-DOC: CHARLES BURNETT**

En colaboración: Play-Doc (Tui).

Charles Burnett está considerado por moitos o mellor director negro da historia dos Estados Unidos, como apuntou en varias ocasións o seu principal defensor na crítica, o laureado Jonathan Rosenbaum. Principal cabeza visible da L. A. Rebellion, movemento de cineastas negros dos anos 70-80, que intentou realizar retratos fidedignos da comunidade á que pertencían, lonxe dos estereotipos de Hollywood; Burnett conta cunha obra mestra incontestable. A súa ópera prima, *Killer of Sheep* (1977), incluída pola Biblioteca Nacional do Congreso entre as poucas dignas de preservación polos seus valores artísticos e históricos, definiuse a miúdo coma puro neorrealismo á americana. A película é un honesto retrato da clase obrera do barrio de Watts, onde o seu realizador se criou.

Ao longo da súa prolíxa traxectoria, Burnett distinguiuse por realizar retratos da súa comunidade que se mostran ao espectador cunha naturalidade e proximidade prodixiosas. Habil e irónico cronista do seu tempo, definiu con intelixencia os choques de clase en *My Brother's Wedding* (1983); ou a tradición do folclore dos estados do sur en *To Sleep With Anger* (1990), premiada en Sundance e con catro galardóns Spirit do cinema independente, película en que sobresaí unha marabillosa interpretación do seu protagonista, Danny Glover.

Así mesmo interesado na historia da negritude, contou con solvencia historias de escravismo en *Nightjohn* (1996), a loita polos dereitos cívicos de Martin Luther King en *Selma, Lord, Selma* (1999) ou o levantamento do escravo Nat Turner contra os seus propietarios brancos en *Nat Turner: A Troublesome Property* (2003), película da que o libro tira o seu título. Outra das súas particularidades é o importante papel que xoga a música no seu cine: o jazz e o blues son estilos cuxa presenza é notoria. Por mor disto, o famoso director Martin Scorsese encargoule dirixir un capítulo da súa serie *The Blues*, centrado na variante do delta do Mississippi, de onde a familia de Burnett é orixinaria, malia el criarse e facer toda a carreira nos Ánxeles. (Víctor Paz Morandeira)

Agradecimentos: Charles Burnett, Víctor Paz Morandeira.

**DO TRAZO AO PÍXEL. MÁS DE CEN ANOS DE ANIMACIÓN ESPAÑOLA**

Unha producción de:

**CCCB** Centre de Cultura Contemporània de Barcelona

**AC/E**  
ACCIÓN CULTURAL  
ESPAÑOLA



Coa colaboración de Filmoteca Española, Filmoteca de la Generalitat de Catalunya, Movierecord, Tres60 Bcn e Lobster Films.

*Do trazo ao píxel. Más de cen anos de animación española* xorde do desexo de mostrar nas mellores condicións posibles unha historia pouco coñecida, a do cine de animación español. Películas como *Chico y Rita* (Javier Mariscal, Fernando Trueba e Tono Errando, 2010), *Las aventuras de Tadeo Jones* (Enrique Gato, 2012) ou *Pos Eso* (Sam, 2014) colocan a animación española no mapa internacional, se ben estes exemplos son soamente a punta do iceberg de anos de talento e empeño por crear arte e industria, ás veces contra vento e marea. O ciclo é o resultado dun exhaustivo traballo de investigación, revisión e recuperación do material histórico en diálogo con obras máis recentes.

*Del trazo ao píxel* é unha coprodución do CCCB e AC/E que recolle unha escolma de películas animadas en distintas técnicas, representativas destes axitados anos que van desde comezos do século XX ata a actualidade. Neste percorrido advírtense algúns temas recurrentes, como o vínculo co mundo da historieta, o reflexo das inquietudes políticas e o diálogo coas artes plásticas.

Esta é unha historia chea de lagoas, con algúns fitos illados (a primeira longametraxe en cor animada europea foi *Garbancito de la Mancha*), mais sementada sobre todo de obras esquecidas que crearon a sensación durante anos de que a animación en España foi un páramo deserto. Nada máis lonxe da realidade. E proba diso é este magnífico programa e a escolla resultante, que procurou incluir obras de todas as décadas e tendencias, ademais de bosquexar a nosa idiosincrasia en toda a nosa pluralidade cultural.

O programa de cine, comisariado por Carolina López, pretende trazar un amplo percorrido a través dunha selección das obras de referencia da animación española de todos os tempos. O ciclo inclúe pezas históricas (desde 1908 deixa a fin da ditadura en 1975) e curtametraxes contemporáneas (de 1975 aos nosos días). Para iso restauráronse e dixitalizáronse obras que eran "invisibles" ou de difícil acceso, e fornecéronse os mellores materiais posibles en cada caso.

O programa de cine itinerante abrangue 63 títulos de autores diferentes, ademais dunha selección de 17 spots dos Estudios Moro, e compónese de 6 sesións de curtametraxes duns 70 minutos e de 2 sesións de longametraxes. Os filmes proxéctanse en soporte vídeo dixital.

Agradecimentos: Carolina López, Gloria Vilches/CCCB (Barcelona).





FILMOTECA  
DE GALICIA

**marzo  
abril | 2016**

indicación contraria. A duración dos filmes é orientadora e aproximada. Esta programación pódese ver alterada por razóns alleas á nosa vontade. Unha vez comezada a sesión, non se permitirá a entrada á sala de proxeccións. As sesións de capacidade limitada teñen reservado un número indeterminado de

dos horarios habituais.

**Prezo da entrada**

- Xeral: 1'20 €
- Carné Xove: 0'60 €
- Abono para 10 sesións: 9
- As sesións de entrada gratuita notifícaranse no programa.

(non se venden entradas anticipadamente). Só se venderán un máximo de dúas entradas por persoa.

programacion.cgai@xunta.es

**Subtitulado electrónico\***

Subtitula'm S.L.

**Información adicional**

[www.cgai.org](http://www.cgai.org)



XUNTA  
DE GALICIA

ગાલિચા